

سنة لکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

حکمیه

آبونه اولوق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه متعلقدر

نشان

اشقودره ولایتی مرکز بدایت محکمه سی رئیس
سعادتلو طاهر بکه ایکنجی رتبه دن مجیدی نشان دیشانی
احسان بیورلمشدر.

اخطار مخصوص

جریده محاکم عدلیه اختیاری اولوق آبونه اولوق
آرزونده بولنامه ذواتک اول امده مذکور غزنه نیک
برسذک بدلی عدلیه نظارت جلیله سی دائره سنه جریده
محاکم عدلیه اداره سنه تسلیم و ارسال ایلعلری لازم کلامی
اخطار اولنور.

تبلیغات

لاجل التداوی بلدی خسته خانه لرینه کوندریلان
مجر و خیندن بعضیلرینک یا تمقدن امتناع و بعضیلرینک
جریحه لری تماماً التیام بولدن چیقماق ایچون اصرار
ایتمکده اولدقلری ادرنه ولایتدن اشعار قلندیغنی متضمن
داخیه نظارت جلیله سنک شورای دولته محول تذکره سی
اوزرینه شورای دولت ریاست جلیله سیله بالخبره هیچ
بر مجروح سقط قالمسینی آرزوایتمه چکنه و هر کس کندیسینی
منتخبی اولان طیب و جراحه کندی خانه سنده تداوی
ایتدیرمکده مخیر بولنسنه نظراً فقیر و بیقدرت او -
لانلردن ماعداسی ایچون همه حال بلدی خسته خانه لرنده
تداوی اولنق مجبوری و وارد اوله میوب جهت عدلیه -
نک انضمام رأیله غربا خسته خانه سنه کوندریله جک
مجر و حینک مصارف واقع لرینی خسته خانه نک جار حارندن
تحصیل ایتدیرمک اوزره محاکم عدلیه مراجعت
مجبوریتنده قالدجی و حالبوکه عندالحاکمه جار حاک
تحقیق ایتامسینی یا خود بیقدرت طاقندن بولنسی مثلاً
اسبابه بناء آرانیلان مصارف جراحیه و سائر نک
تحصیلی ممکن اوله مامسینی و اولسه بیه حکماً تحصیل
وقته محتاج بولنسی کبی بر طاقم مشکلاته تصادف او -
له جنی جهته فقیر و بیقدرت اولانلرک غربا خسته

خانه سنده بالتداوی ذی قدرت بولنلرک مخیر برا -
علمی مناسب اوله جنی حقنده نظارتجه در میان اولان
مطالعنک موافق حال و مصلحت اولدیغنک تنظیمات
دائرة سندن بامضبطه افاده اولندیغنی اولبابده کی تذکره
سامیه ده امر و ازار بیورلمش و آکا کوره ایضای
مقتضاسنه دقت ایدلسی محاکم استینافیه مدعی
عمومیلک لرینه تعمیماً تبلیغ اولنمشدر .

محکوم اولدیغنی توتون جزای تقدیسینی ایفا ایتمه
مسندن طولانی بدایه آتمش برکون حبسنه قرار
ویریلان فرونجی و انکل حقنده کی حکمک عندالاستیناف
تصدیقته قرار ویرلمش ایسه ده جزای نقدی مذکور
اساساً خزینه دولته عائد اولیوب صرف حقوق
شخصیه دن عبارت اولمغه محکوم علیک ایضای دیندن
امتناعی حالسنده اولبابده کی اعلامک موقع اجرایه
وضعیه اعلامات حقوقیه نک صورت اجراسنه دائر
اولان قانون احکامنه توفیقاً اجراسی لازمه دن اولدیغنه
و قانون مذکور احکامنه محکوم علیک حبسی ثروت
و یسارینک اثباتیه مشروط بولنسنه نظراً قرار استینافی
مخالف قانون کورلمش اولوب آنجق مدت تمیزیه نک
مروری حسدیه قرار مذکورک تمیزاً اصلاحی جهته
کیدیه مامش اولدیغندن بختله مرجع مخصوصنجه بالتمیز
نقض و اصلاحی حقنده ادرنه استیناف محکمه سی مدعی
عمومیلکندن وقوع بولان اشعاره ، رثی نظامنامه سنک
اللی دردنجی ماده سنده قاجینک محکوم اولدیغنی جزای
نقدی بی ایفا ایتدیکی تقدیرده حبس اوله جنی و آلتی
ماه مرورنده جزای نقدی بی ایفایه اقتداری اولدیغنی
اثبات ایدر ایسه موقتاً سبیلی تخلیه ایدیه جکی مصرح
اولسنه کوره قاجینک محکوم اولدیغنی جزای نقدی بی
تأدیه ایتامسندن طولانی حبسی جهته کیدلیدکنده
ثبوت اقتدارینه محل کوریه مامکله اشعار مذکور
موافق قانون اولدیغندن جریان ایدن معامله ده موجب
تغییر بر حال اولمادیغنی انجمن عدلیه افاده سیله جواباً
مذکور مدعی عمومیلکده بیلدیرلمشدر .

بدایه موقوف اولدقلری حالدده استیناف دعوی

ایتملردن ناشی محفوظاً لوا حبسخانه سنه نقل اولان
محکومین حقارنده کی اعلاماتک استینافاً دخی تماماً
ویا تعدیلاً تصدیق قلنسی و جنایتله متهماً مرکز لوایه
جلب اولانلرک عندالحاکمه جرملرینک جنحه یه تنزیلی
حالسنده محکومین طرفندن بر طاقم اعدار مشروعه
سردیه مدت محکوم لرینی اکال ایتک اوزره منسوب
اولدقلری قضا حبسخانه لرینه نقللری استدعا قلنمقده
اولدیغندن بختله استفسار معامله یه دائر ایدین ولایتی
استیناف مدعی عمومیلکندن وارد اولان تحریراته ، محکوم
علیک استیناف دعوی ایتسی اوزرینه محکمه استینافیه
حبسخانه سنه نقلدن صکره حکم ابتدائینک استینافاً
تصدیقته قرار ویرلمش ویا جنایتله متهماً استیناف
محکمه سنه سوقندن صکره جرمنک جنحه یه تنزیلی
ایدلسی صورتلرنده بتکرار قضا حبسخانه سنه نقل
و اعاده سی بر طاقم کلفت و مصارفی موجب اولمغه برابر
قانونده بوکا دائر برصراحت دخی موجود اولمادیغندن
بومقوله لره استیناف محکمه سی حبسخانه سننده اکال
مدت جزائی ایتدیرلمسی لازم کله جکی جوابی انجمن
عدلیه افاده سیله اعطا قلنمشدر .

محاکمات

حاجی احمدک کریمه سی امینه خانمک خانه سنه بالدخول
نقود و اشیاسنی سرقت ایلدک لری ادعاسیله جنایتله
اتهام اولان قره اغاج قضا سنک قره هبوک اقشاری
قریه سندن علی چاوش اوغلی عثمانک اوچ سنه مدته
کورکه قونلسنه و مخدومی مصطفانک مراهم بولنسندن
طولانی قرقنجی ماده قانونیه موجبنجه برسنه حبسنه
دائر دکنلی سنجاغی بدایت محکمه سی جزا دائره سندن
ویریلان ۸۱ نومرولی اعلامک تصدیقته

کسریه قضا سنه تابع روانی قریه سی اهالیسندن
صالح بن ابراهیم و بانوش بن راغبه قتل قصدیه سلاح
انداخت ایلدیکی ادعا قلنسندن طولانی جنایتله اتهام
اولان قریه مذکورده لی صالح بن محمدک اوچ سنه
مدته کورکه قونلسنه دائر کوریجه سنجاغی بدایت

محکمه سی جزا دائره سندن ویریلان ۲۶۰ نومرولی
اعلامک تصدیقه

آلت مخصوصه استعمالیه ابراهیم بک وسائر نیک
خانلرندن اشیا سرق و پولیس مأموری صفراقندی به
اخافه قصدیه تشبیر سلاحه جرأت ایلدیکی ادعاسیله
متمم بولان دیاربکرلی محمد بن محمدک بش سنه مدته
کورکه قولنسه دائر درسعادت جنایت محکمه سندن
اعطا قلان بدی نومرولی اعلامک تصدیقه

جمعه بن حسین ایله برادری یونسک استرلرینی
جبر وشدت استعمالیه نهب ایلرندن طولانی جنایتله
متمم بولنسان تپه سی قریه لی صالح بن محمد والبیر
عشریندن عرب علی بن احمدک اوچر سنه مدته
کورکه قولنلرینه دائر کرکوک سنجانجی بدایت محکمه سی
جزا دائره سندن ویریلان ۷۷ نومرولی اعلامک تصدیقه

مصطفی بن سعد الدینک کیفیت قتلندن طولانی
جنایتله اتهام اولان بیرونی الطون بن یوسف المو -
رانینک اون بش سنه مدته کورکه قولنسه دائر
بیروت ولایتی استیناف محکمه سی جزا دائره سندن
ویریلان ۷۶۶ نومرولی اعلامک تصدیقه

الیاسک کیفیت قتلندن طولانی جنایتله اتهام اولان
جزین قضاسنه تابع بیرامه قریه سی اهالیسندن رسم
بن حیالامورینک اون بش سنه مدته کورکه قولنسه
دائر جبل لبنان استیناف محکمه سی جزا دائره سندن
ویریلان ۶۹ نومرولی اعلامک تصدیقه

حقیق آباد قضاسنه تابع قزل ویران قریه سنده
قباش اوغلی خلیل وخطیب اوغلی علی و برادری
محمدک انانی راهده معامله جبری ایله نقود وایشیانی
اخذ و غضب ایتدکری ادعاسیله جنایتله اتهام اولان
بوستانیله علی بشه اوغلی حسین و حاجی منلا اوغلی
عبداللهک اوچر سنه مدته کورکه قولنلرینه دائر
انقره ولایتی استیناف محکمه سی جزا دائره سندن
ویریلان ۸۹۹ نومرولی اعلامک تصدیقه

ترزی ابکار بن کر قور و برادری میراق و بکر
بن علینک دکانلرندن دیوار دلیک صورتیه اشیا سرق
ایلدیکی ادعاسیله جنایتله اتهام اولنسان صالح بن احمد
قصابک اوچر سنه مدته کورکه قولنسه دائر حلب
ولایتی استیناف محکمه سی جزا دائره سندن ویریلان
۳۷۱ نومرولی اعلامک تصدیقه

ولی چاوشک زوجمسی امینه ک کیفیت قتلندن
طولانی جنایتله اتهام اولنسان جسر مصطفی پاشا قضاسنه
تابع قوماری قریه سندن مقتوله مزبور نیک برادری
بکر اوغلی علینک اون بش سنه مدته کورکه قولنسی
حقیقه ادرنه ولایتی استیناف محکمه سی جزا دائره -
سندن ویریلان ۱۲۰ نومرولی اعلامک تصدیقه

اطه پازاری قضاسنک روم اوزانلر محله سنده
ساکنه فوطینی قادینک کیفیت قتلندن طولانی جنایتله
اتهام اولنسان مقتوله مزبور نیک زوجی فوطی ولد
نیقولینک اون بش سنه مدته کورکه قولنسه دائر
اذمید سنجانجی بدایت محکمه سی جزا دائره سندن
ویریلان ۱۸۲ نومرولی اعلامک تصدیقه

صاریخانلر ناحیه سنک دودلر قریه سی اهالیسندن

محمدک کیفیت قتلندن طولانی جنایتله متمم بولنسان
قریه مذکورلی ارغاد خالد بن عمرک اون بش سنه
مدته کورکه قولنسه دائر سرفیجه سنجانجی بدایت
محکمه سی جزا دائره سندن ویریلان ۲۳۶ نومرولی

اعلامک تصدیقه محکمه تمیز جزا دائره سنجه قرار
ویرلشدر.

۲۳ نومرولی نسخده مدرج درسعادت

جنایت محکمه سنک اعلامی بقیه سی :

سکره ساعت اوچ قرارلرنده اتلاف ایتدکری و انانی
قتله قوللانیلان بیخاق سیاه صابلی بیاض تیمورلی
بر قاریش بوشنده ایدوکی سولنسه و متمم لردن
هرایکینک البسه سنده قان لککری بولنسه و بوبایده
استماع اولنسان شاهدلردن یاسف وقعه کیجه سی ساعت
اوچ راده لرنده قومشوسی استریا قادینک کندوسنه
مکتبه پاطرردی اولدیغی سولسی اوزرینه محمد دیه
باغردیغنه حسنک قورقورق بر شی یوق دیدیکی
و آورام ولدداوید و آورام ولدباقو دخی وقعه کیجه سی
ساعت ایکی قرارلرنده متمم حسن ایله مقتول عارفک
بنیامینک قهوه خانه سی اوکنده بش دقیقه قدر
اوطوروب محل قتل اولان مکتب طرفه کیتدکری
کوردکری وژاندارمه ابراهیم دخی وقعه کیجه سی
مقتول عارفک بکچیلرک یانه کیده جکیکی بیان ایله
موسوی مکتبی طرفه کیتدیکی و اوکیجه ساعت
یدی بیخق راده لرنده متمم محمد کلرک صباحه قدر
قره غولخانه اوکنده یالیدیغی و ابرنسی کیجه محمدله
طباقه مبادله ایتدکری صرده مرقوم محمدک قولنندن
برکاغد جبقارمسيله کاغده نه اولدیغی صورده
اونده سنک دینک وار دیوب یه قویینه قویدیغی
و چهارشنبه کونی صباحین متمم محمد قره غولخانه به
کلوب مکتب بودرورنده بر آلیق اولدیغی سولسی
اوزرینه کیدوب باقدلرنده مکتبک بودرورنده عارفک
یوزی اوزری مقتولا یاتقده اولدیغی کوردکری
ومحمدی قره غولخانه به کتوردکرنده انانی یوزینه
و پارمغنی آغزینه قویهرق دوشونمکه باشلا دیغی
ومرقومی دردست ایتدکری وقت لونی تغیر ایتدیکی
وعارفک دائما پانده یوز یتش، یوز سکسان لیرا قدر

پاره بولدیرمقده اولدیغی وعارفی بودرورنده کور -
دکاری زمان ستره سنک براییک دوکمی جوزلش
وبوغازنده آسیلی بولنسان پاره کیسه سی یاریسندن
کسلمش وکیسه نک اوست پارچه سی غیطانله مقتولا
اوزرنده قالمش اولدیغی کوردیکی ولویزه قادین دخی
وقعه کیجه سی ساعت اوچ بیخق راده لرنده بخیره
اوکنده اوطورمقده ایکن بر آلیق پاطرردیسی اوزرینه
باقدیغنه متمم محمد النده صوبا اولدیغی حالد آشاغی
یوقاری طولاشمقده اولدیغی و او صرده متمم حسن
ایله ژاندارمه عارف کلوب اوچی برلکده مکتبه
کوردکری و یاریم ساعت سکره برچاریک ساعت قدر
بر آلیق پاطرردیسی اولدیغی وقومیسر حسین حامی
اقدی دخی وقعه یی استخبار ایدرک مقتله کیتدیکنده
متمم محمد وحسنک یاتقده اولدقلری اوطه ده قان
لککری کوردیکی ومکتبک قارشوسنده اقامت ایدن
استریا قادیی استجواب ایتدیکنده وقعه زمانی متمم لک
اوطه سنده لامه سونه رک بر آدم باتوب آیاقرنی
یره اوریرکی بر پاطرردی ایشیدیکی سولیدیکی
ومقتولک اوزرنندن حیقان کیسه سنک کسلمش
اولدیغی کوردیکی مع القسم وعلی الدرجات بیان
واخبار ایلملرینه و بوبایدکی اخبارات ودلائل
حسنک اقرارینی تأیید ایتکده اولسنه ومدافعاته
کلجه درجات اوزره بولنسان شهودک شهادتنده ماینت
سکوریه مامسنه ومقتولک حسن طرفندن اوطه به
کتوردیکی روش شهادتندن آکلاشلمسنه وحسنک
فل قتل محمد ایله برلکده ایقاع ایتدکرینه دائر
اولان افاده سی اوچنک مکتبه کوردکری نیک اخبار
اولنسی ومحمد قان آناری کورلمسيله مؤید اولسنه
وحین قتلده منازعه وقوع بولدیغنه دائر برکونه دلیل
واماره اولماسنه ومتمم لردن محمدک شاهدلردن ابراهیم
حقیقه کی طعن واعتراضی قول مجردده قالمسنه منی
متمم لردن محمدک انکاری واهی ومدافعاتک دخی
اسباب مبسوطه ایله مردودینی بدیهی اولوب متمم
مرقومان محمد وحسنک اوچوز اون انانی سنه سی
جاذبی الاولنک اون سکرلنجی صالی کیجه سی خاصکویده
آرابه جیلرده موسوی مکتبی دروننده اوزرنده
بولدیغی خبر ویریلان انجمنی سرق مقصدیه
مشرکا ژاندارمه رائف نام دیگر عارفی بیخاقه جرح
وقتل ایتدکری ثابت اولدیغندن مرقومانک سرق
جنایتی برای اجرا قتل جنایتک فاعلری اولق
اوزره مجرمیلرینه متفقاً قرار ویرلدی.

محاکمه اوطه سنه عودته قرار مذکور علناً قرائت
وتفهم اولدقده معاون موسی ایله مجرم محمد وحسنک
قانون جزانک یوز یتش دردنجی ماده سنک فقره
اخیره سی حکمنه توفیقاً تحدید جزانسی طلب ومدعی

شخصی حسن اقدی برادری عارفدن آلنوب متمم لردن
حسنک اوزرنده ظهور ایدن انجه ایله برادری اوزرنندن
آلنسان سندانک طرفه اعطاسی ومتباق پاره نیک مجرم لره
تضمن ایتدیرلمسی بیان وویکلر ایله مجرم لره
بر دیه جکری اولمیدیغی آتبان ایتلرله بوجعت
حقیقه کی محاکمه نیک دخی ختام بولدیغی تفهیم اولنهرق
تکرار مذاکره اوطه سنه کیرلدی.

جهت جزایه حقیقه دخی مذاکره کیفیت
اولدقده مجرمیلری قرار آلتنه آلنسان محمد وحسنک
حرکتلری قانون جزانک یوز یتش دردنجی ماده سنک
فقره اخیره سنه موافق اولدیغنه وماده مذکورده
دخی (رکیسه من غیر تعمد بر شخصی اتلاف ایتش
ایسه اون بش سنه مدته کورکه وضع اولنور. فقط
اشبو تلف نفس قضیه سی آخر بر جنایتی اجرا ایدر

ایکن باقبل الاجرا ویا بعد الاجرا ویا خود بر جنجهی
برای اجرا وقوع بولش ایسه اتلاف نفس ایدن
شخص قانوناً اعدام جزا سیه مجازات اولنور) دیه
محرر بولدیغنه منی بوماده نیک ایدکی فقره سی حکمنه
توفیقاً مرقوماندن محمد وحسنک اعداملرینه وحسنک
اوزرنندن ظهور ایدوب مقتولک اوزرنندن آلنسان
باردن حصه سنه اصابت ایدن انجه ایله مقتوله عاقد
اوراق وسندانک مدعی شخصی به اعطاسنه واوست
طرفی اثبات ایدمیدیکندن بوادعانک ردیه واعلام
واستطاق خرجلری اولان جمعا ایکی یوز ایتش
غروشک محکوملردن مناصفه تحصیل به عدلیه وزنه سنه
تسلیم ایتدیرلمسنه اوچوز اون درت سنه سی کانون
اولنک بکری برنجی کونی متفقاً قرار ویرلرک اصول
تفهم اجرا قلندی.

مرانغوز چراغی طنش ولد یوزکی ایله ازنبود
قریه سی بکی محله سنده مقیم دیتری ولد نیقولینک
بیکده ساکنه خواننده خانمک ضاوقلری سرق
ایتدکری ثابت اولدیغندن اوچر ماه حبس لرنه و ختام
مدت محبوسیلرنده ضبط به کفالت آلتنه آلنلرینه
چو رباجی محمدک تجرهلری سرق ایدن احمدک
درت ماه حبسنه و ختام مدته ضبط به کفالته ربطه
اوشاق نیکمدلی پراشکوه ایله محال بدوسی جرح
ایدن سرکه جیده تیمور مغازه لری حامللردن محمدک بر
ماه حبسنه

مولویخانه قیوسنده آرابه جی جمالک زوجمسی
عایشه خانمی ضرب ایدن آرابه جی طرنومه لی محمد بن
فیضینک برهفته حبسنه

قاسم پاشاده ساکن رضا بکک زوجمسی خدیجه
حکمت خانم اطلاله لسان ایدن اکتلی احمد اغانک
برهفته حبسنه

سلطان سلیمده ساکن حاجی احمد ایله فتحیده
ساکن سندانلی ریزه لی الیاسی جرح ایدن محافظه
قایقچیس ریزه لی صالح برآی حبسنه

مضارب ایدن فسجی استراطی ولد دیتری ایله
قصاب چراغی اکتلی عمرک بر هفته حبس لرنه
قوندره جی یونانی واسیل ولد قره چان قسطنینک
پاپاس کورپرسنده ساکن دولکر یانی ضرب وجرح
ایتدیکی ثابت اولدیغندن برهفته حبسنه

خاصکویده ساکن یازنجی قادیانی ولد دیتراکینک
سبزواتجی قسطنی ولد طاسه یی ضرب ایتدیکی ثابت
اولدیغندن برلیرا آلنوب مضروب به اعطاسنه

کراسه جیلرده ساکن علسکندایروسه اطلاله لسان
ایدن کراسه جی قسطنیندن بر لیرا جزای نقدی
اخذینه

بازمه جی بادیک ولد بدوسک یورغان یوزنی
سرق ایدن حاجی احمد نام دیگر اسماعیل اقدینک
اوچ ماه حبسنه و ختام مدته ضبط به کفالته ربطه
کتبه دن صالح خلوصی اقدی به اطلاله لسان
ایدن قول اغاسی سالم اقدینک بش کون حبسنه
وموسی ایله اطلاله لسان ایدن خلوصی اقدیدن دخی
برلیرا جزای نقدی اخذینه

ایوبده ناکیه جی محله سنده ساکن اوطه جی علی
اغابه اطلاله لسان ایدن نوری اقدیدن بر آلتون
جزای نقدی اخذینه

تشیمر سلاح واطاله لسان ماده لردن طولانی
مظنون اولان قولتوچنی خرپوطلی حسن بن یوسفک
اون بش کون و مناو جعفرک بش کون حبس لرنه
دکر مرکرنده مستخدم پولیس طربرونی احمد
نوری اقدی بی ضرب ایدن ایتالیا دولتی تبعه سندن
آجته مأموری موسیو رسونک برهفته حبسنه

یونانی لئونیدی اوغلی یاقوینی ضرب ایدن دباغ
سبطایدن بر آلتون آلنوب مضروب به اعطاسنه
کوچک مصطفی پاشاده مفتی حمامنده ساکن وارنه
تجارتدن مصطفی عاصم اقدی به اطلاله لسان ایدن
طوغرامه جی یوزکی ولد خرستودن یارم لیرا جزای
نقدی اخذینه

ایوبده مقیم اسماعیل بن حاجی محمدی ضرب
ایدن حلواجی قسطنونیلی ابراهیم بن عبداللهک بر
هفته حبسنه

قوندره جی چراغی خالد بن ذهینی ضرب ایدن
قهوه جی توفیق چاوشک اون بش کون حبسنه

مولویخانه قیوسنده مناو نوری بی جرح ایدن
بازمه جی قالفمسی روسچقلی کانی بن عمرک بر ماه
حبسنه

خطب قیوسنده ساکن بمورطه جی مینای جرح

ایدن قطارچیلرده طلومبه جی نوری بن محمدک ایکی
ماه حبسنه

صاریکرنده ساکنه امینه خانمک ناموسنی اخلال
ایدر صورتده ورقه ترتیب ایدن حاجی عزت اقدینک
ایکی کون حبسنه

فتجانخیلر یقوشنده بکچی شیرولی حسینک اوطه
سندن اشیا سرق ایتدکری ادعاسیله مظنون اولان
بارکی سوریخیلرندن علی بن عباده ولوله جی علی بن
عبداللهک آلتشیر ماه حبس لرنه

سلطان احمدده ساکن حسن اغانک آچقه سنی
سرق ایلدیکی ادعاسیله مظنون بولنسان بلاطده
قره باش محله سنده مقیم ایساق ولد خایم نام شخصک
اوچ ماه حبسنه وضبط به کفالت آلتنه آلتسنه

یکدیگری ضرب ایدن قاسم پاشاده حاجی شعبان
محله سنده قهوه جی جلال بن حسین ایله محله مذکور
رده ساکن رضا بن محمدک بر هفته حبس لرنه

قاسم پاشاده ناکیه جی محله سنده حسن چاوشی
ضرب ایدن نورینک ایکی بیخق آی حبسنه

اداره مخصوصه مأمورلردن بهجت اقدینک
آغوب نام شخصی ضرب ایتدیکی تحقیق ایتدیکندن
برلیرا آلنوب مضروب ویرلسنه

غلطه ده قسجی زقاعنده ساکن نیقولی زوغرا -
فونک قیل بروننده ساکنه انانی بیخاقه جرح
ایتدیکی ثابت اولدیغندن اوچ ماه حبسنه

آصمه آلتنده کوچک خانده صابونجی مصطفی
اغانک پولیس حسین اقدی بی ضرب ایلدیکی آکل -
شایدیغندن برآی حبسنه

قایقچی عثمانک ایشیانی سرق ایلدیکی ادعاسیله
مظنون بولنسان خاصکویده ترشیجی محله سنده ساکن
حافظ عمر اقدینک اوغلی کاظمک اوچ ماه حبس لرنه
ختام مدته کفالته ربطه

آینه لی چشمه ده بقالقی ایدن بوانک اموال منقو -
لهسنه ایراث خسار ایدن یازنجی آسپاشادن اون بش
بشاک جزای نقدی اخذینه

استاوری بی ضرب ایدن قوله قیوسنده خندک
زقاعده ساکن حسنندن برلیرا آلتنهرق مضروب ویرلسنه
یکدیگری ضرب ایتدکری ادعاسیله قتلان طرابیده
مقیم قسطنینک اون بش و باندلی ولفتر ومحمد واسماعیلک
اوزر کون حبس لرنه

دعوی وکیللردن عثمان عارف بکک صابیه ده
کلیسا قارشوسنده ساکنه تولیک قادین ایله مصطفی
پاشاده ساکنه سلیمان سعدی اقدی زوجمسی فاطمه
خیره خانمک عهده تصرف لرنده بولنسان عرصه لری
ساخته کارلقله آخره فراغ ایتدیکی وطاشجیان سرکر
اقدینک اوچوز الی لیراسنی طولاندیردیغی ومحمکو -
میت سابقه سی بولدیغی ثابت اولدیغندن اوچ سنه

وبالمنه خانه قابض مالی ويازيحي حسن بصري وتيور قبوده امير محله سي امامي حافظ حسين افندي ومختار طاهر افندي وسلطان محمدده قريلى مسجد محله سي امامي محمد ومختار ثابسي محمد امين افنديلرله بر مق قبوده برخانه ده ساكنه كللى قادينك اشبوساخته لكه اشتراكلى تحققت اينديكندن برر سنه حبسلىرینه

حقور چشمه ده بلبان اغا محله سنده ساكنه افتاب قادينى ضرب وجرح ايدن زوجى احمدك اوچ ماه حبسینه

بلا موجب كورلتى وشمايه اينديكى ادعاسيله مظنون اولان تبعه يونانيه دن غلطه ده يوكسك قالديرمده تركيه اولنده خدمتچى پترو ولد نيقولينك برهفته حبسینه غلطه ده شربتخانه زقاغنده ساكنه تى قادينك آقچى سنى سرقى اينديكى ادعاسيله مظنون اولان قوچو ولد واسيلك آلتى آى حبسینه وختام مدت جزائيه سنده كفالتيه ربطنه

پوليس حسن افندي به اجراى وظيفه حالنده تشهير سلاح ايدن تيمارجى مصطفى افنديك آلتى ماه مدتله حبسینه درسعادت وبك اوغلى واسكدار بدایت محاكمى جزا دائره لرجه حكم اولمشدر.

مُعَامَلَاتُ اِنْتِبَاهِيَّة

ادلب قضاسى بدایت محكمه سي اعضاسندن اولوب مستنطقك وظيفه سي ايضا ايدن محمد افنديك خلاف اصول وقانون معاملاتيه وتوقيف اشخاصه جرأت ايلديكى حلب ولايتى استيناف محكمه سي مدعى عموم ميلكنك صورت اشعارندن منفهم اولغله موسى اليهك محاكمه آلتيه آلمسینه مأذونيت اعطا قلمشدر.

اِشْلَانَات

ايكنجى محكمه تجارته :

چارشوى كيرده آتبقه جيلرده ٣٤ نومرولى دكانده اجراى تجارت ايدر ايكن ايكنجى محكمه تجارتن اولان افلاسيه حكم اولمش اولان مؤينز آنجيك خصوصات افلاسيه سنك رؤيت وتسويه سي ضمنتده موقت سنديكلردن سليم حسنى وشمعون لوى افنديلرله مانياسى زاده سعادتلو رفيق بك حضرتارى اصالة سنديك تعيين قلمش ومعاملات حسابيه سي ايچون دنخى خزينه جليله ماليه حقوق مشاورى معاولنرندن عزتلو آگاه بك محاسب صفتيله مأمورين مذكوره به الحاق ايدلمش اولدقلىرندن مفلس مرقوم

ذمتنده آلهجنى اولانلرك قانوننامه تجارتك ١٩٩ و ٢٠٠ نجى ماده لرى موجبجه تحقيق ديون ايچون تاريخ اعلاندن اعتباراً يكرى بركون ظرفنده سنداتى محكمه كاتبه تسليم ايللرى ومدت مذكوره ختامندن صكره اوچ كونده يعنى ١٣١٧ سنه سي كانون ثابسينك بشنجى جمعه ايرتسى ويدنجى بازار ايرتسى وسكزننجى صالى كونلرند ايكنجى محكمه تجارتك افلاس اوطة سنه كلرك سنديك افنديلر مواجهه سنده آلهجقلىرى اثبات وقيد وتصديق ايتديرملرى ومدت مذكوره ده اثبات وجود ايدمىان آلهجقلىر حقتده قانون مذكورك ٢١٠ نجى ماده سینه توفيقاً معامله اولنهجنى اعلان اولنور.

باغچه قپوسنده راسم پاشا خانى آلتنده ١٥ نومرولو مغازده اجراى تجارت ايدر ايكن ايكنجى محكمه تجارتدن افلاسيه حكم اولمش اولان جانفسجى خريستو طرياندافليدى وقومپانيه سنك خصوصات افلاسيه سنك رؤيت وتسويه سي ضمنتده دعوى وكيللرندن آگاه بك وكاتيان افنديلر اصالة سنديك تعيين قلمش اولدقلىرندن مفلس مرقوم ذمتنده آلهجنى اولنلرك قانوننامه تجارتك ١٩٩ و ٢٠٠ نجى ماده لرى موجبجه تحقيق ديون ايچون تاريخ اعلاندن اعتباراً يكرى بركون ظرفنده سنداتى محكمه كاتبه تسليم ايللرى ومدت مذكوره ختامندن صكره اوچ كونده يعنى ٣١٧ سنه سي كانون ثابسينك ٨ نجى صالى ٩ نجى چهارشنبه و ١٠ نجى پنجشنبه كونلرند ايكنجى محكمه تجارتك افلاس اوطة سینه كلرك سنديك افنديلر مواجهه سنده آلهجقلىرى اثبات وقيد وتصديق ايتديرملرى ومدت مذكوره ده اثبات وجود ايدمىان آلهجقلىر حقتده قانون مذكورك ٢١٠ نجى ماده سینه توفيقاً معامله اولنهجنى اعلان اولنور.

ژورژ قوميسر

محكمه تجارت اجرا دائره سنده :

يورغا كى باغانا كى افنديك خديجه خانم ذمتنده ايكنجى محكمه تجارت اعلاميله محكوم به الاجنى اولان مبالغك تأمين استيفاسى ضمنتده مديونه موسى اليهك عهده تصرفنده اولوب حيز آلتيه آلتان بك اوغلنده تقسيمده صره سروبلر جاده سنده اللى بش نومرو ايله مرقم اون ايكن اوطة اوچ صفه مرمراطاشلىق وبودرومى ومطبخ وكيلار وصهرنج وبوز اللى آرشون مقدارى باغچه يي ومشمولات سائرده حاوى سنوى يوز يكرى عدد ليراي عثمانى ايجاره متحمل كاركير برباب خانهك نصف حصه شايه سنك فروختى مقرر

اولوب اون بش كون صكره موقع مزايديه وضع اولنهجندن اشتراسته طالب اولانلرك ودها زياده معلومات آلق ايسيتانلرك محكمه تجارت اجرا دائره سینه مراجعت ايللرى دائره مذكوره دن اعلان اولنور.

اسكدار بدایت محكمه سي اجرا دائره سنده :

فاطمه نظيره ونسيبه خانلرك روسچقلى احمد شكرى افندي ذمتنده ايكن قطعه اعلام ايله الاجقلىر بولنان مبالغك تأمين استيفاسى ضمنتده مديون موسى اليهك درسعادتده چارسوى كيرده خفافلر جاده سنده خفافلر زقاغنده كائن بر طرفى ملازم محمود بكك متصرف اولدينى باصقيجى دكانى وبرطرفى حاجى ابرايم افنديك متصرف اولدينى خفاف دكانى واوك طرفى طريق عام ايله محدود طولاً يكرى قدم وآرقه جهتندن عرضاً بش واوك جهتندن طقوز بچق قدم وسعتنده وطوانده بر عدد پنجره يى حاوى متصرف اولدينى بش نومرولى برباب كارصير دكان تاريخ اعلاندن اعتباراً اون بش كون صكره اجرا قانوننامه هايونى احكامنه توفيقاً بالمزايده فروخته مبادرت اولنهجنى اسكدار بدایت محكمه سي اجرا دائره سندن اعلان اولنور.

بقفور قضاسى بدایت محكمه سي اجرا دائره سنده :

بكقوزده اتمكجى كيغورق آغانك واسيليلى خانم ذمتنده باعلام الاجنى اولان مبالغك تأمين استيفاسى سيچون مقدمه حيز اولنان بوغاز ايچنده بيوكدره جاده سنده كائن اولوب بر طرفدن صارى يارلى بربر مصطفى آغانك قهوه سي وبرطرفدن خريستوميلونك محترق فرون عرصه سي وبرطرفدن قادردو قادينك عرصه سي وبرطرفدن طريق عام ايله محدود ومزبوره واسيليلى خانمك پدرندن ارثاً عهده سینه انتقال ايدمچك اولان معلوم المقدار عرصه بوندن اقدام موقع مزايديه قونيله رق ليراي عثمانى يوز غروش حسابيله آلتيسيك اوچيوز غروشده طالبى عهده سنده قالمش وتاريخ اعلاندن اعتباراً اوتوز بركون صكره صوك مزايده سي بالااجرا قرار قطعى سي ويريلهرك طالبى عهده سینه كچورلمسى مقرر بولمش اولديغندن مذكور عرصه يه يوزده بش ضميله طالب اولانلرك ودها زياده معلومات آلق ايسيتانلرك عشرينه مساوى نى آقچاسيله برابر بكقوز قضاسى بدایت محكمه سي اجرا دائره سینه مراد جعت ايللرى اعلان اولنور.